



睡軒集
乳

16
2338
1



和
2338
卷 / 一 2 止

睡軒集序



越自漢北建極以來人才之盛推
 莫宜兩朝為首迄其一時充滿班行
 誠無讓於濟之之美而其中表之
 晴雷霜日如丙子戊午前後之數
 君子乃其尤者也襄陽睡軒權公
 蓋亦戊午禍網中之一人遭凶虐
 罔極之變礎芥在前而確乎不亂
 從容就盡此實 朝家養士之報

於先王為有光矣竊惟人禍天
刑古之行也者猶不免恐懼之深
而公妙齡釋褐薦入翰苑已能思
死其職靡所顧慮迨南史董狐而
與之友其氣節之剛毅得之於天
者為如何哉寒玉焚於酷炎勁松
摧於狂颶人情同於駭惜其深寬
極痛至今將百許年凡有聞焉者
尚且哽于喉渴于膺矧乎門戶之

中骨肉情深介葛今厚者將何以
為心嗚呼萬事已矣九京閉矣所
謂吾未如之何也者獨其咳唾之
靈精華之發先天射斗擲地聲金
者猶之以留典刑於彷彿寓無窮
之遐思公之仲氏判閣公先獲乎
此力如搜輯而患亂傾蕩之餘散
失殆盡所得只五七言古體律絕
并百餘首賦表記銘等雜文又若

干篇衷為一袂謀欲壽梓未及而
歿遺恨有年今達城府伯權君文
海於公為從孫慨然有志於斯前
牧公山工村已鳩徑通未就及下
車于此懲前而亟圖之閱數月以
刊畢告且印寄一本于余蓋府伯
曾以序文相屬余不敢諾而府伯
督之不置嗟余筆力衰落何能絲
毫有所發揮於公乎哉第觀卷中

諸作一一流出於肺腑拳拳乎懲
君憂國之深懇々乎思親憶弟之
切一片衷忱交溢於語句之表至
其邂逅而唱酬者豈非名世之士
而當時第一流如濯纓子最為莫
逆交懽然相對牙鼓而鍾聽顧眄
唯諾之容宛乎猶可以想見焉噫
公於是乎為不亡矣彼無道之淫
刑亦安能斬截百世不磨之流芳

也哉噫其可傷也而其亦可慰也夫公諱五福為校理玉署乞便養出宰野城三年而彼收年纔三十二而絕府伯之為是舉經營甚勤為之訂正之次第之釐為上中下三編叙刻楷整殊可觀也承任亦贅公門作甥姪故斯集之成悲喜同之茲不克固辭而偕予之若夫詞藻之清越氣格之森嚴則閱

者自當知之余曷庸煩述焉萬曆碧鷄陽月上澣通政大夫前司諫院大司諫知製教朴承任書于龜城溪西之村舍

睡軒先生詩集卷之一

秣陵懷古

見大東詩林

龍虎雄蟠建業路風景蒼茫歷陽樹名都真箇
帝王州訪古傷心不忍住千年王氣今何之故
宮禾黍秋離離宮前無數來遊鹿草中半出糝
糊碑近代繁華掃地盡何況遠問埋金時仲謀
意氣何矯矯目中奸孽徒雲擾勢成鼎足業雖
分地跨江南國非小孺孫不道紫氣歇青蓋翻
飛洛陽曉南渡中原如潰瓜首鼠君臣遯江表
六代交爭一局碁萬古英雄如過鳥僭竊相尋



險足恃紛紛割據盡豈子安得萬斤鐵如意
搥碎石頭平如砥鐘山醉汝一盃酒等為亡國陳
更醜龍沈省井何顛倒霜催玉樹花如掃
筭來芳臭俱草草天翻地覆江山老

送李評事子伯胤

落落子伯氏以道為心養志節抱磊砢形體托
放浪清狂豈不慧大言非無當內美有良貴外
物齊得喪維北獫狁黑水春流漲黃雲際碧
海塞天何空曠詩書子所業弓馬非其長遠為
幕府良豹韃而虎韞但見氣軒昂不見色惆悵

觀人試諸難到此識子壯春風吹驛路
旅遊多情況吟成出塞曲以為諸賢唱

清虛亭燕會圖

亭在忠清兵營其時節度使與守令軍籍磨勘俱會于營

分軸作

貞海茫茫若箇邊湖西第一元戎幕從容尊俎
碧油幢高牙大纛又橫槊管領郡縣錯如碁分
符各自守封域偶因簿領入幕來揔是風流二
千石相逢袞袞歲月深一陣西風橫鐵笛天八
邊城鴈影低海濤鏡淨狼烟息尊開北海酒如
川黃金盤中膾白玉有時痛飲忘吾形高談轉

清弁屢側雲飛雨散迹便陳人間俯仰成今昔
依然幻出丹青裏座中冠蓋者歷歷從今喚做
九仙圖邂逅相對真面目

登岳陽樓望洞庭湖

見大東詩林

巨靈鍾勝境千古壯巴城浩浩浮元氣茫茫混
大清望洋秋萬里橫笛月三更興入洪濛外塵
緣笑此生

春帖二首

大地菁華滿意芬天教春事報東君一元袞袞
三陽動洪造熙熙萬物欣白玉盤中香菜嫩黃

金闕角瑞雲紛衢樽醉飽家家樂浹骨恩波到
十分

聖德符乾造星文正泰階大平還有象神化入
無懷寬詔頒時令春恩遍海涯康衢爭獻頌擊
壤滿街街

癸丑春正月九日添東坡一聯偶成絕句翌
乃建春之日也

十年擾擾走紅塵兩字功名白髮新竹馬異時
寧信老土牛明日莫辭春

奉和丁不崩詩韻

三首壽崗

賤雪寒應盡爭春物自欣從教梅萼老更喜菜
芽新明月迎孤榻青山結四隣好詩生眼底鄉
思已津津

天公容拙老杜墅作狂夫風月供詩料江山不
我孤梅殘餘臘雪鷗泛滿春湖俯仰成陳迹幽
吟未可無

浮沉唯酒可憂樂以詩鳴納納江湖地悠悠今
古情燕鴻嗟異志卯酉困虛名歌罷天容默圖

書一室清

賜暇山房恨不得與之
從遊故燕鴻之語及之

次古人韻

金華千萬丈分寸知難躋下有一玉樹遠影臨
清溪是間有羽客落日愁烟迷豪嘯振林壑乘
月歸隴西

六言

野情細雨斜風身世漂梗斷蓬玄真仙子亦逝
趣味無人我同

岳陽樓

無邊元氣眇冲融詩眼翻明傑閣雄地勢遠蟠
三楚大天光平浸五湖空星霜幾換珠簾外霞
鷺齊飛玉鏡中渺渺江南無限思江神宵借半

帆風

金 句從

送李仲句之任義城

宗準號慵齋此四絕出大東詩林

聲名少小聳南斗儒雅風流是謫仙
昵幄望隆通籍早分符命下許城專

皓首惺惺忠孝念母恩君寵報酬時
南州民力今如此珍重循良太守知

多病慙吾遲出餞臨歧愁緒若為牽
萋萋滿地王孫草回首江南又一年

鄉間三物成周化烟火千家續漢循
俗吏紛紛徒爾耳應歌來暮頌斯人

應製春日憶曾點

洗盡人間念念非家童忽報製春衣
瑟中自有風乎趣沂上誰同點爾歸
無限韶光觀物化一團和氣露天機
擬尋上下同流處希驥當年我亦希

金壯元第得紙筆書示壯元兼別李顯道兄

諱文佐我成廟癸卯擢文科壯元即公之姊夫時出守安峽

浮雲世事轉頭空功利紛紛擾擾中
萬古英雄如過鳥今朝歧路送飛鴻
塞翁得失復看馬天道弛張自有弓
此去徵黃應不日一琴一鶴將

無同

兄困於斗粟而壯元時有黃楊之厄故兼慰之

桃源春曉圖

十韻

河山萬里屬狂秦誰做桃源別樣春
遠近峯巒攢石劍高低樹木老龍鱗
溪邊竹屋參差是洞裏烟花爛熳新
紅雨亂飛流水急青山濃滴曉雲屯
牕前喚起驚殘夢林下提壺勸醉人
斲耕田聊足樂採花食實不全貧
出塵偶合幽人趣飡玉初非上界真
珍重畫師能縮地微茫仙境始知津
壺中竒勝心都契物外清遊迹已陳
焉得思如山斗手波濤驅使筆如神

關東錄

庚戌仲冬余承行臺之

命十八日拜辭將向關東閔掌令士孝李掌令士實贈送近體一首依韻答之

丈夫高義一忠肝俗士聞來齒冷寒
鷗擊未能威鐵面詩盟聊可敵銅盤
豺狼安問狐狸窟松栢難為桃李顏
杜牧風流吾豈敢分司御史愧臺端

宿奉安驛雪

身世蕭條遠遊賦郵亭寂寞短歌行
忽驚天上

春將暮六出花飛爛熳晴

翌日發奉安直抵龍津舟為江水所合行人
阻不得濟招篙師鑿冰行舟日已晚矣

風雪奉安驛我行已水濱那知舟楫路愁殺往
來人欲濟煩三老乘危笑此身漁簑吟柳句字
字摠堪珍

二十一日到原城聞朴先生訶來以時方讞
囚未得相見詩以寄之

骨鯁曾慚魯叅政風流今愧杜樊川如何萍水
他鄉客脉脉半窓心惘然

二十三日分囚事干於橫城洪川平昌等官
是日自北原抵橫城

橫城是處湖山勝讞獄從來簿領繁萬里征鞍
消髀肉百年浮世信乾坤杜陵何事悲孤劍宋
玉無端倚大言如許狐狸安足問吞舟漏網任
瀾翻

次橫城東軒韻

雪擁關山我馬東酒衝愁陣策竒功遠遊莫是
史遷子多酌休憐狂次公

二十五日發橫城向洪川行到蒼峯驛次板

上韻

雪滿蒼峯白天晴谷口陰樹遮千里眼雲送故鄉心歷歷江山勝行行歲月深一年長作客無日不孤吟

次洪川東軒韻

洪縣經千古青山結四隣牛刀武城宰野鹿葛天民氣壯元龍敵詩寒東野親撚髯無好句吟罷客愁新

重到蒼峯惡詩已加灾於木矣笑不置復和前韻

書生惜日月為客費光陰泉石閒中趣烟霞物外心虛名徒役役羈思復深深憶得眉山老長歌嶺外吟

二十七日自橫城抵安興驛題六絕于壁上
數聲畫角羈愁破一點青山古意存堪笑東西南北客蒼裘無計任乾坤
遠遊司馬壯心在磊落元龍豪氣存湖山是處最奇絕有嶺插天江抹坤

生憎蟻虱衣中起最愛圖書篋裏存樓倚行巖吟杜句不妨隨意答乾坤

鹿馬從來齊得失，荆凡畢竟定誰存。我今見客深藏舌，囊括空懷六四坤。

萱堂初度是今日，壽獻南山舊祝存。烏鳥私情吾未効，鴻恩端配至哉坤。

二十八日踰禿嶺歇馬芳林驛

蓐食安興至大還，崎嶇禿嶺強躋攀。玉壺銀界人蹤滅，馬上吟肩聳似山。

次平昌東軒韻

來往如梭不定居，馬能折獄片言餘。江山無恙今猶古，造物有情乘又除。多酌酒狂莫，多酌中

書君老不中書，悠悠辜負三冬學。始信忘筌為得魚。

季冬初三日

此下疑有夜夢二字

為濟州倅，不堪渡海

之厄，夢罷不覺自笑，口吟二十八字。

百年得喪黃梁熟，兩字功名白髮新。笑他牢落烏臺客，也作南柯夢裏人。

白髮

并序

昔昌黎年四十而髮白，李冲年四十而鬢髮斑，白顏回年二十九而髮盡白，范鎮四十日之間鬢髮致白，我年未及數君子而又無數。

君子好學之癖憂時之憤而髮之黑者日益
白無奈離親去國長年作客困窮拮据有動
於心催我早白如古人所謂白髮欺人故故
生者耶

白髮欺人故故生千愁萬恨若為情不堪者鏡
呵呵笑一首新詩寫不平

寄閔掌令

士孝四首

是處溪山笑我迂長年作客儘窮途艱難險阻
嘗之矣落魄蹉跎命也夫月苦風酸詩骨冷萍
飄蓬轉宦情孤牧之最得分司體如我乾坤一

腐儒

羅鉗古網織無根酷吏紛紛何足論爭務深文
為刻薄那知一笑在平反埋輪敢効張綱直折
獄還慚李路言嶺外飄飄何所得此身行止信
乾坤

流年背我堂堂去客子多情望故鄉梅蘂冒寒
傳臘信柳條衝雪漏春光一生癡黠何曾補萬
事酸醎久已嘗莫訝騷人吟大苦儘教風月入
奚囊

冉冉光陰雙短髮悠悠身世一虛舟風餐雪虐

無時了宦夢羈愁幾日休遊子淚沾慈母線行
人心折大刀頭一絨都付千重意瓊玖何嫌木
李投

耳鳴五六日不絕

紛紛天下物之理大抵鳴皆因不平寸心百感
鳴依舊雙耳如何終夜鳴

偶吟四首

男兒何用守池魚迹遍寰中謝磨驢早罷訊囚
無箇事紙窓明處卧着書

彈缺何求丙穴魚吟詩政在灞橋驢三冬所得
知多少不為窮愁不著書

每向殘編正魯魚從來短技笑黔驢欲知天下
無窮事須讀人間萬卷書

范蠡五湖千里魚杜陵破帽又蹇一本驢他時
擬卜菟裘去兼學人間種樹書

朴敬差詞每見我云推鞠之事勿好事為也
笑而不答吟成一絕

忘機心自得憎俗眼慵開我欲逃名去人嫌好
事來

前韻

有時心口語何處好懷開不奈羈愁苦無端俗
物來

夜坐用前韻

燈花何太喜應為好詩開窮臘堂堂去新春得
得來

恨別 十二韻

蕩蕩乾坤大行行日月驅兩親千里遠遊子一
身孤歲暮鵠原隔天寒鴈字無風霜龜折手雪
霰粟生膚投筆呵冰硯吟詩撚凍鬚羈懷空跌
宕世事飽艱虞樸直曾成癖鴛材敢自誣少時
慙泣玉今日混吹竽書劍催年矢行藏信命途
不分臯鶴聞肯作井蛙拘落托真如此崎嶇有
是夫錦囊何所得時問小奚奴

聞安峽兄患脚病寄峽中 九首

嶺南朝軻暮關東魂夢相尋古峽中造化小兒
真戲劇鵠原相望意無窮

卿當獨步謝江東流倒詞源三峽中卧治何須
股肱郡官梅何遜與無窮

君侯秀句滿天東李白風流詩酒中衙罷乘閒
無箇事此間清興盡難窮

壽域春臺大小東昇平文物百年中棟梁屹立
明堂用國壽山河永不窮
倒壑狂瀾難復東有誰砥柱此波中天生吏部
張吾道底事無端賦送窮
不料南轅忽向東千品萬壑會稽中遠遊擬學
子長子禹穴探竒我欲窮
臘破窮陰斗欲東天機袞袞隙駒中髀肉已消
鞍馬裏從來大瘦坐詩窮
蹇驢破帽灑西東清夢時時向此中擬卜菟裘
終老計一生憂道不憂窮

奔走虛名西復東半生汨沒洪爐中江湖落魄
無如我詩豈窮人人自窮

謗吟 古韻

處世身如寄逢人眼不青莫彈流水曲無復子
期聽狗苟謀生陋鴻飛得路冥功名大槐國群
蟻慕羶腥

臘雪催三白雲山失舊青驛梅無使寄郢曲有
誰聽人事從膠擾天機自杳冥流芳光竹素遺
臭有餘腥

偶逢朴敬差陳都事兩先生設酌房中

白戰政酣風雪夜清尊相對笑談時能輕萬戶
蜉蝣小翻笑二豪螺螄微人訝散材空護落我
於中聖更支離酒帝劉伶一石飲衙官屈宋百
篇詩

初九日得北堂書有平反之命又奉判尹舅
氏東東內有好事戒憶余豈好事哉感懷賦
之十五韻

官遊從落托消息報平安京兆慈親志平反一
笑歡為心真若此非意孰相干冰炭難同器毀
譽了蓋棺無益妬西子鷲鳥嫉孤鸞身世萍浮

水功名鮎上竿從來孤竹性不用曲藤蠟雖媿
風霜面兀非桃李顏自嫌愚待免人訝謬為官
擊海搏鵬翼隨天賦鼠肝旅鄉思樂土羈夢著
憂端臘盡梅花發雲黃雪意闌英雄如過鳥歲
月似跳丸那復邯鄲枕常看首着盤此時無一
盞安得洗儒酸謾一作漫

臘日書懷

天時人事動相催歲月何妨袞袞來柳色先偷
春色漏梅花猶帶雪花開口脂面藥鷄行阻官
况羈愁蝶夢回忽有好詩生眼底文章瓦釜亦

鳴雷

前韻

多情歲月白駒催
牢落佗鄉萬感來
窮臘已隨殘雪去
寒花故值客愁開
十年為吏肱三折
一夕思家腸九回
安得百年耳長熟
高堂醉卧不聞雷

詠黃山谷一日思親十二時之句演韻得七

絕

堂前空夢老萊衣
嶺外難懷陸子橋
年過半百桑榆晚
喜一亦復無懼一

深情常念反哺烏
浮世翻慙處禪風
事親日短事君長
所以古人知愛日

萬一報了三春輝
寸草無端和淚滋
平反一笑知何日
千里悠悠勞夢思

窮途何敢望要津
皺盡紅顏白髮新
自笑丹心猶未折
平生一念在君親

窮愁東野一生酸
遠遊杜甫百憂集
得失復憑塞馬翁
詭遇不取曾獲十

詩成可使泣萬鬼
游刃恢恢有餘地
嶺外有文傳千秋
九原安得起蘇二

蘇二即東坡
坡有嶺外文

玉宇瓊樓霽景暉
乾坤清氣入詩脾
憑欄覓句無人會
描畫復教李伯時

謗吟

功名兩字間仕宦
困出入軒冕寄倘來
正路曾獨立滔滔聲
利中恐居下流濕我
詩出於真因茲忘快
悒

刺史古諸侯

刺史古諸侯分憂
百里命保我群赤子
憂民如有病胡乃少
息子橫歛徒為梗但
聞碩鼠刺不見五袴
詠觸邪有堯羊照膽
有秦鏡民瘼達宸

旒終然罹憲網上
負明主知下失蒼生
望一敗萬事裂獨不
媿俯仰

小技

隄覺文章真小技
每愁肝腎困雕鐫
膏肓此病治無藥
歡伯何時痛洗滌

作客

三首

悠悠長作客役役
愧前賢未試囊
法徒窺管裏天
百年如寄爾萬事
更茫然枉費江南
夢盟鷓浩蕩邊

醒狂發一笑樗
散厠群賢報國慚
無術知心誓

有天羈懷誠若此世故莽依然欲採丹丘藥乘
風弱水邊

登樓玉粲子步月杜陵賢萍梗非吾土行藏付
老天砧因羈思搗燈為別愁然一片思鄉夢滄
洲若箇邊

古意 前韻

萬古乾坤內宗師我聖賢斯文未墜地吾道實
關天鳳鳥來何晚鳶魚體自然淵源到瀟洛風
月浩無邊

夜坐

匣裡鳴雙劍囊中溢一錢平生無長物酒癖與
詩顛有意徐中聖何心祖著鞭挑燈更趺坐風
味淡於禪

晨起 前韻

自笑聲華賤何曾直一錢詩壇推李白筆陣愧
張顛謾把持竿手空吟蹋雪鞭小牕晨起坐梳
盥欲參禪

夢見李蕪之 達善同登
丙午科

平生耐久友夢見李蕪之刮目成歡笑開尊話
別離如今世緣淺依舊我心癡忽覺黃梁熟徒

勞兩地思

前韻二首

多病孟浩然送窮韓退之故人疏欲絕五鬼苦
難離作客無長策忘機守一癡百年如此可何
用費心思

風月詩為地吾今批抹之憂時多慷慨學道欲
支離我賦瀟溪拙人嫌顧愷癡詞華真末技誰
構十年思

憶伯仲氏

伯氏諱五行字齊之登戊午文科
仲氏諱五紀字叶之登乙卯文科
公與伯仲氏同
中丙午司馬試

長年鞍馬空皮骨千里家山隔弟兄黃耳不來
消息斷庭前鵲噪客心驚

用前韻

百世醒狂中酒聖一生標格愛梅兄久拚一作
誤風月閑中趣遮莫功名夢裏驚

行路難

高似太行深澗紛紛覆轍宦途危向來語
君須避對面人心真九疑

久客嶺外身阻

紫宸朝感懷賦之十二月十五日

大瘦從來飯顆山人間無藥駐朱顏旅魂漂泊
東西嶺宦夢依稀鷓鴣班百世光陰悲荏苒半
生蹤迹笑疏頑惟餘葵懇渾依舊戀闕何忘一
飯闌

旅懷前韻

吾豈無錢可買山不能免俗皺紅顏多情潘鬢
愁催白每日菜衣夢作斑膽大襟期空磊落才
疏身世本癡頑他時自適滄洲趣魚鳥相忘雲
水間

十六日自橫城向洪川道中遇雪口號二絕

臘盡窮陰料峭寒飄空飛雪白漫漫閉門合作
袁安卧底事悠悠行路難
得句不嫌東野寒為官翻笑次山漫客中無復
行窩樂嶺外長吟蜀道難

洪川偶逢安峽兄喜賦求和

翩翩駟騎快於鴻蹋碎瓊瑤鶴鷺同其奈峽中
成遠別那知嶺外更相逢割鷄妙手聞循吏伏
豹威名愧古風得喪百年俱草草黃梁夢罷旋
成空

次

顯道

身罹世網羨冥鴻到處危途蜀道同凌雪馳
驅愁獨苦看雲記憶喜相逢慚非出宰郎官
選籍甚分司御史風公館寂寥誰與語吟詩
幸許酒杯空

安峽舉黃山谷行臺無妾護衣箠之句笑余
寂寞余演韻戲作七絕

去秋慣作江南客今日翻為嶺外行
泛梗還同杜陵子愧無佳句使人驚

莫言心事著寒灰滿面霜風御史臺更擬廣平
腸作鐵休教紅粉一時回

弧矢雄心笑首丘朝遊北海暮蒼梧三行紅粉
徒為耳一首新詩未可無

香山晚節放楊柳獻之少時歌桃葉家人自有
解卿卿駿馬何須來換妾

任看羅襪凌波步一生自足麤麤布壯夫元不
誤娥眉千金重軀煩調護

人間萬事巧相違十載紅塵染素衣休訝一麾
安峽去徵黃不日壘書飛

甯子休歌叩角牛浮名身外更何求使君學海
流三峽老我圖書滿一箒

立春

憶得去年立春日小臣鉛槧貼宜春門門殿殿
祥烟裊歲歲年年寶字新已罷窮陰回北斗復
知一氣轉洪句風光從此可堪賞生意津津物
色勻

句從金

立春翌日自洪川重到蒼峯驛用前韻

久客煩郵吏忘機愧漢陰梅殘餘臘信雪虐壓
春心自識羈愁苦誰憐詩思深平生五字律聊
復撚髯吟

金監司相國見惠陳簡齋集黃毛等物云集

希遣雅懷毫亦供文房勿訝勿訝詩以謝之

驚人佳句思難得脫帽中書老已深簡老文章
知蓋世毛生交契解供吟詩壇已得風騷伯筆
陣行穿翰墨林他日留為玉堂用惠來珍重百
朋心

書懷

萬里鷗波夢屢飛悠悠身世恠依違年光何事
背人去世故無端驅我為其奈宦情還莫莫不
禁詩思便奇奇從今擬借飛仙術一洗人間局
促悲

洪川客舍不堪旅况攬筆書懷 三首

雪消簷雷落錯認雨餘聲
臘盡梅花老春來菜
甲生遊宦情無賴
哦詩句不成毀譽蓋棺了
屋漏甚分明

故園歸未得鷗泛已春聲
夢約青山去愁催白
髮生此身空濶落萬事等
虧成心迹然無愧昭

昭天日明

然當
作兩

我生非不達出語輒悲聲
漂泊緣何事崎嶇笑
此生鄉心和淚落春瘦為
詩成感慨騷人病終
然大節明

偶吟

在洪川

醉鄉無處訪無功旅館堪
書咄咄空使罷歸來
何日是得錢沽酒試春風

補世慚無尺寸功紛紛俗
事轉頭空從今擺落
塵緣去浩蕩滄溟萬里風

十載區區筆硯功杜陵無
補澁囊空窮愁自是
騷人事何日堪乘破浪風

詩酒當封第一功一哦一
吸千愁空我亦從來
已成癖紛紛俗子馬牛風

誰言天地有全功造物從
來戲劇空公器美名

君莫取防危復效古人風

虛名箕斗竟何功身世如今萬事空排悶裁詩
聊爾耳不是弄月與嘲風

名途

擾擾名途車馬塵紛紛夢幻百年身已知蟬翼
官情薄便覺牛毛世事新素履詩書空抱負青
氈家世本清貧一生心事田園興明月清風自
結隣

除夕前一日金相國在原城次前韻要我共

除臘夕適因讞事辭不赴奉和相國韻臘字

光陰衮衮自來侵宦况羈愁日轉深流水高山
鍾子趣暮雲春樹杜陵吟喜聞乾鵲催行李悶
見昏鴉集遠林乘興山陰空負雪此間無限別
離心

弊裘剛被苦寒侵正值關山積雪深挑盡青燈
聊守歲閒將綵筆只供吟瓊琚報厚歲詩篋山
斗名高映士林鼎鼎新春催客興終復傾蓋細
論心

附相國韻

年來老病謾相侵遊宦空慚聖澤深後後世

身車言集一
二
三
間多少意行行嶺表短長吟邀君共燭今除
夜愧我承風舊翰林俗士紛紛徒爾耳憑誰
說與歲寒心

除夕與峽兄聯句峽兄患微恙留洪川

此夜猶今歲之響明朝又一年病思難逐疫道顯窮
送鬼燒船栢葉杯堪飲之響椒花頌可傳他鄉同
作客道顯萬事已忘筌衮衮親朋話之響茫茫造化
權雪消殘臘後道顯梅老早春前耐久青燈在之響
通宵任不眠道顯

元日

此下疑有
奉呈二字

陳都事先生

風光隨處好花柳被春催慣作他鄉客頻傾長
命杯辛盤驚歲改青瑣憶朝回簪履交歡地清
遊愧不陪

敬和叔父韻

乾坤萍梗羈心苦父子東南別恨長青鳥飛來
頻報喜一絨瓊什慰悲傷

自保曾參不殺人分明屋漏有明神中來百感
憑誰語只許攻愁若下春

百年人物存公論飛語論人不近情直以踈狂
招謗議終須釋憾望非輕

附叔父贈詩三絕

乃父艱辛挈小娘
千山積雪道途長
嶺南况與關東隔
守歲心應母子傷

驄馬行行實怕人
風霜滿面露精神
須將仁恕平反手
來奉高堂一笑春

吏憚剛明應有日
爭成貝錦頗非情
殿中恐墮奸兇術
熟計深思慎莫輕

戲題二絕奉峽兄行軒

烏府先生鐵作腸
蘇州御史寢凝香
芙蓉一夜垂垂發
莫是巫山窈窕娘

御當作刺

右一絕聞峽兄方鍾愛芙蓉故云兄嘗贈芙蓉詩曰世間尤物少天然清水芙蓉最可憐翠蓋紅衣殊媚妩淡粧濃抹更嬋妍人皆手折章臺柳我獨情鍾玉井蓮笑領暗香成醉夢一軒風月浩無邊

列子馭風何事業老聃立語本清虛六經萬古懸星日肯讀人間非聖書

右一絕因來書有欲印老列子之語故云

附峽兄和韻

莫擬蘇州曾斷腸
吾生元自愛荷香
春風到

處真堪賞花滿蹊家黃四娘

扶世真儒重名教寓言諸子尚空虛焉能皓
首談姬孔須讀生來未讀書

人日

客裏逢人日光陰隙駟催梅粧隨額落雪片滿
空來遣興詩盈篋寬懷酒滿盃草堂佳句在荆
俗可無哉

感懷

有意絕琴絃無由運郢斤客愁空吐吐鄉思已
紛紛官事催華髮春山望白雲唯餘壯心在飛

語任云云

回首

回首家山頻入夢無端步月獨徘徊堂堂節序
青春好衮衮鄉愁白髮催寂寞子雲長寂寞歸
來元亮未歸來何時放浪形骸去一日須傾三
百杯

自原城行到揚根娛賓驛偶得寒疾苦吟留
五日病起書懷

一年佳節百憂中此地春風似不公造化小兒
殊作惡君臣良劑罕收功病深實下傷心淚命

舛難逢斷鼻工瘦不勝衣枯槁甚邇來多故恐
成翁

正月二十六日設娛賓渡龍津

雪消春水碧於天古渡來來去去船一葉乘危
君莫笑擬尋蘇老挾飛仙

吾與嚮之游慣矣嚮之肝膽即吾之肝膽也
其中所存者無毫髮之不相照當赤馬年同
習時文學明經為舉子業嚮之年少而氣銳
思敏而見透吾常推以為不及第於其所謂
風騷云者亦多讓焉吾常目為曾子固而戲

之其後吾落南鄉嚮之仕于朝未能相磨以
文墨者四五年去年秋寄予近體數篇展讀
不覺刮目焉今年春予始到京師求嚮之近
所吟詠者得關東行錄而讀之噫斯錄也其
但詩觀乎哉風振乘驄執法而不撓情切陟
岵將父而未遑其所寓興抽思無非慷慨激
切多古人埋朱輪望白雲之懷而不少以嘲
弄烟月為事嚮之平生忠孝兩段發於性情
者於斯錄可掬其但詩觀乎哉世有假使命
而行宵臆躋膺仕而忘親養者嚮之視之必

不啻狗彘矣嚮之貌不踰中人而心膽直包
千古此予之所以予嚮之也若夫詞章特末
矣然有道者必有言言之精而有以感發乎
人者為詩則詞章亦非與道背馳者也今嚮
之求予斤削惜乎吾無郢斤可以斲嚮之之
聖也嚮之取古詩而理會自然手熟心詣則
斧鑿天成自無其痕矣嚮之勉之濯纓子金
季雲題

上金季雲壯元

諱駟孫清道人自號濯纓
子我成廟丙午中司馬

試壯元登
同年甲科

日者所惠佳什藏諸衍篋擬寶隋珠一覽之
後忽失無蹤恐其為鬼物所奪也近間遣興
必多前惠詩并復書示起予何如且拙藁固
知不堪下眼所望幸垂電覽一一斤削耳古
人有自幸蕭君一字之賜者况予惡詩字意
未曾敲推乎

雕篆從來困肺肝文章小技不須看韓豪李放
知君壯鳥瘦郊寒愧我酸孤劍鳴時吟欲斷踈
髯撚處字要安畫蛇著足休嫌拙須把風斤斲
聖湯

奉和

李雲

付與從天喫鼠肝
榮華瞥眼等閑看
輸心莫道交情熱
失意休言世味酸
文字不隨餘子媚
林泉終卜此身安
多君骨鯁詞源激
宦海文瀾共渺漫

紀行

閏九月初八日宿忠州村家阻雨書示同行

柳殿中仲和

催曉黃鷄唱已闌
淒迷風雨送微寒
醫人藥有君臣劑
使鬼錢無子母看
刺史葡萄誰釀酒
先

生首嘗自登盤多情宋玉悲蕭瑟冷落秋光八

筆端

仲和時有在陳之立虞故頸繼及之

仲和次韻重賦答之

歸去田園興欲闌
鴟盟當日未應寒
隙駒便覺秋容老
勳鏡休驚鬢雪看
慷慨不須乘典馬
聲牙何必學殷盤
多君詩語清人骨
準擬相從叩兩端

忠州道中冒雨口號

南北東西俱我家
乾坤萬物於吾何
浮萍莫是杜子羨
翁笠還如張志和
久雨龍公真戲劇
倦

遊客子悲蹉跎晚看落霞齊孤鶩詩成仰空長
呵呵

病馬吟得足字書示仲和以馬病阻行云云
地用莫如馬天驥千金直追風逐電行一息凌
九域世上多騏驎人間少伯樂下與鴛鴦伍居
然伏槽櫪龍骨瘦查牙霜蹄倦跼踏如何騷鬣
姿祇受奴隸辱玄黃復玄黃無由見騰躍嘶風
踏青藟垂淚灑首蒼儻來燕臺金度展千里足

歌馬安富驛次柱間韻

歲歲征衽西復東故園桑梓夢魂通黃梅時節
朝天客千里歸來霜葉紅

寄李雲壯元

脚踏東西南北塵九州之外幾州州炎蒸瘴霧
燕山暑冷落風霜烏嶺秋問路擬尋陶逕去行
身堪作賈胡留從來外物不可必萬事唯宜一
笑休

區區書劍極周流吞夢方知壯氣酬牢落杜陵
長作客蕭條宋玉謬悲秋何時邂逅開青眼萬
里歸來欲白頭陶醉屈醒俱感慨任他榮辱等
江漚

世味酸醎早飽戢烟簑月艇夢長占聞天君作
九臯鶴垂世吾如六日蟾衆手從他劇雲雨一
心猶自擬虫鷓虛堂月滿琴聲苦曲罷陽春巾
欲沾

別來無日不相思况值風霜搖落時空谷如今
人足斷十年依舊我心癡是非衮衮杯蛇在歲
月忽忽隙駟馳秋興不知凡幾首苦吟多是憶
君詩

次鄭密陽叔韻

諱蘭茂字猗叟以蔭補官官至密陽府使即公之姑夫

孤村微雨送秋寒驚看千林霜葉殘叱馭幾回

吟陟岵老萊當日夢衣斑

去夏有萬里之行今秋回自京師故云

落木蕭蕭滿眼秋釵鉗山上望鄉愁李鷹歸去

尊鱸興白醴閑斟洗玉舟

黃花綠酒賞辰良歲稔家豐是上祥九月已為

仍九日一年佳節兩重陽

已為疑有誤字

詠白菊

東籬獨占葢垂垂耐久西風特地吹素艷玲瓏
搖醉眼清香馥郁入詩脾却疑玉女冰肌露還
似仙人雪氅披斷酒年來多病客為渠今復一
中之

夜坐次簡齋韻

閏九月十九日在家作

夜雨鳴蕭蕭寒燈耿耿明西風吹葉盡無處聞
秋聲搖落氣悲哉空令壯心驚漁釣一竿在圖
書四壁橫鷄豚燕春秋不覺歲崢嶸但知耳頻
熱誰鳴心不平主聖羅羣英朝清橐五兵願言
注霖雨百芟含春生

安東道中

變體

衝破青冥倦鳥還浮生聊博九秋間濛濛細雨
連三日漠漠窮陰塞兩間微茫島嶼無邊水吞
吐嵌空何處山野趣晚來濃似粥不知身世縮

朝班

花山待鄭應教彥卿

傲霜唯有菊花枝不怕秋風捲地吹有約不來
閑望久撚髯吟罷寫新詩

戲題

彥卿扇

彥卿時被越女之笑

從來性癖愛梅兄何可一日無此君梅香竹韻
雙竒絕春風桃李徒紛紛

次彥卿韻

中山千日飲不覺玉山頽醉裏乾坤窄滄溟小
似杯

但樂杜康在那知羲馭頽忽忽歸抹馬主客盡
餘杯歸抹當
抹歸

贈李同年 浩源時適天氣向寒倩衣襲於浩

源 云亦君子固窮之意 在花山作

涼時思煖煖思涼物理人情自可明痼冷莫教
思爛熟世間炎熱誤平生

閏九月十八日微雪

山瘦秋將盡天陰雪欲飛有詩驚歲晚無夢履
危機

醉時歌

磊落酒狂凌八極不數淵明卧醉石最愛迎秋
野菊鮮生憎帶雨山雲黑君不見乾坤腐儒無
寸策長作東西南北客苦說歸田似不情悠悠
萬事付歡伯

感懷

平生隨意答乾坤陶令門前三逕存竹第虛心
侵冷戶錢兄無脛走權門有時捫虱談當世不
學雕虫作戲言頭上漉巾一罇酒北窓身世是
羲軒

詠盆菊

翠委紅凋萬葉秋風霜昨夜冷颼颼開窗一笑
徐娘老落盡金衣不耐愁

不見李生久

不見李生久停雲望幾巡同時萬里客今日異
鄉人芸閣編書卷秋江理釣綸悲歡與聚散都
付一枝春

閏九月晦日

堂堂節序速如飛秋興未闌秋又歸門外大風
掀地軸籬邊殘菊冒霜威紅旗黃紙緣書鈎茅
屋青山無是非把酒只堪酬歲月登樓不用賦

斜暉

寄鄭應教彥卿

相逢開一笑別來情懷惡蜚英青瑣賢浪迹江
湖客仙凡迥不同兩地長相憶

難老堂

取詩人永錫
難老之意

堂前栢核齊崑崙堂下菊潭淨不塵問候諸孫
應領識結交佳客許心親春株不老八千歲海
屋添籌一萬春利達紛紛何足道無榮無辱一
閑身

燕山自有五枝芳難老堂中白日長萬事不求

春從
木

三樂外天教申錫壽而昌

孟冬初吉與鄉中父老設酌射侯座有朴莽者射鳩中之身首異處縷血淋漓一座驚愕券嘗以能射鳴於鄉云

翩翩者彼鳩飛集園中枝欲散撫機處貪者仰面時落鵬知有術貫虱早收竒滿座渾驚歎爭相賞一危

是日密陽叔亦來設酌戲吟近體一首依韻賦之

合邳東床興復然塞翁得失莫非天鴛鴦那有

二三德琴瑟虛張五十絃最喜東南盡賓主由來萍水作因緣頽殘藥玉杯中酒伐木歌兼車牽篇

次秦生韻

節義文章萬古鳴憐渠小少有詩聲汝兄學業真堪笑白首紛如奈晚成

醉吟建除體

建旆利名場揚揚鳴玉珂除道多九折無地不風波滿意青紫貴何如一綠簔平生磊落志萬物於吾何定知身後名不如醉時歌執迷一生

癖詩狂與酒魔破甑任浮榮風月俱婆娑危微
精一訓往往窮研摩成功仁義藪沉酣丘與軻
收斂一方寸萬里當作皆包羅開闔有耿光天
地無偏頗閉戶草玄經子雲辛苦多

酒醒午夜呼燈清坐風雨驟至讀古人詩有

感而作

醉卧蝸廬詩夢醒五更風雨鬧窓櫺向來多癖
盃中物此去祇看座右銘龍釘有時埋古獄牛
刀常若發新研英雄萬古如過鳥讀盡塵編雙
眼青

夜飲次洪同年彦邦韻

俗子紛紛令我病非君誰與好懷開陽春白雪
徒為爾流水高山亦已哉詩入青燈花有藥盃
浮明月鏡無埃嚴終氣宇知名早獻賦蓬萊步
玉臺

孟冬初七日夜夢伯仲氏皆有登龍之慶覺而喜賦

姜被年來苦未温那堪一夕九升魂謝庭政欲
馨蘭秀竇老要看芳桂繁夢裏喜登龍虎榜覺
來空望鵲鴿原自憐孤鴈瘦如許何日相隨話

第昆

謁金府尹首孫於郡衙府尹先題一絕次其
韻

林泉自謂羲皇人谷口那知訪子真
衮衮清談
霏玉屑一盃酬酢免如新

府尹令我代家君作

化蜀當年第一人風流瀟灑更清真
燈花暗藥
催詩落白雪陽春一曲新

府尹命和陸放翁醉中自贈詩韻

野服黃冠休便休浮名身外不復求
笑他浪騎
揚州鶴底事悲歌寧戚牛滿意酒盃欺我醉多

情花柳解人憂落霞有句愧王勃
當避先生地
一頭

府尹命韻六字

志士難逃名教關書生得句勝得官
子雲閉戶
草玄經一生投閣何身艱不如築槽為臺酒為
池與君同遊醉鄉閑洗我磊落之胃懷一舉端
可壓儒酸斗南名高狹梁公天下故最元次山
詩興爭如酒興深此身江海寄浮沉襄陽高會
天應借笑罷尊前無限心

詩興以下當作一絕

奉別府尹

積薪不信遲居上威鳳爭教快覩先凜凜秋霜
雖可畏温温冬日復堪憐青雲自致能飛鳥清
德誰知不受羶此去微黃應有日訂看羊角翼
垂天府尹論積薪故事故首聯及之

再別演雅體

玉潤鴻名遠水清鳥新庭多金鸞鷲家有石
麒麟揔是屠龍手誰為畫虎人溟鵬風自順籬
鷄笑何因丹穴鳳毛健渥洼騏足神善題鸚鵡
賦合著鷺鸕塵一閱驪駒曲蟻浮若下春府尹之子
泗昌壻李穆李蘋皆工於舉業穆以文鳴於儕輩已酉進士第二名云

用前韻贈李進士穆金泗昌李蘋諸丈四首

韓鉞幾揮君殿後祖鞭今著我居先湯郎事業
知何用老杜清狂每自憐卷裏光陰雙白髮生
來詩禮一青氈田園歸去吾何敢戀闕遙瞻北
望天

賦罷三都萬口傳才名端合左思先吟詩到處
江山助題柱當年志氣憐衝斗常看埋獄劔雕
虫何用讀書擅關山遠別愁無奈聚散悲歡問
老天三都用李穆實事
腐儒腹內雷鳴久豪士囊中頽脫先白日聲名

君自惜青春才調我偏憐玉皇定有借香案廣
厦應知踏細氈壯志圖南鵬已辦醢鷄之舞甕
中天

何知童子賦滕閣可畏後生聞道先氣壓食牛
何太壯才高吐鳳最堪憐愛渠草罷三千牘媿
我依然十載氈同學少年皆俊傑如吾學業管
窺天

聞李雲到商山近體三首寄府尹之行

停雲望極眼長穿梅信空煩驛使傳浩蕩神交
千里外蹉跎心事一燈前故人高興江湖遠老

我征衽歲月遷安得翅翎生兩腋偶然飛去濯

纓邊

濯纓李雲亭名

隄覺退之窮有自何嫌中散懶相先丈夫意氣
偏成癖男子平生耻乞憐可笑年來金鑠口翻
憎客裏虱生氈飛沉魚鳥潭閑事玉汝吾知上
有天

試問停輶知幾日也宜傾蓋更相從崎嶇不惜
尋前路莽蒼何煩辦宿眷南國天寒踈白鴈西
臺歲暮老青驄一場魂夢無關鍵飛到商山第
一峯

李雲折簡招之即日登途途中口號寄李雲
兩地襟期千里月隔年消息一枝梅邇來多病
疏慵甚青鳥飛來夢始回

青鳥飛來夢始回馬蹄催我上崔嵬剡溪乘興
知多少書破羲牋九萬枝

書破羲牋九萬枝筆端風雨自天來對床十載
平生約話舊應知一笑開

到商山任內雨雪阻行寄李雲

歲闌新雪白皚皚庭院那知玉作堆欲過蘇端
泥浩蕩懶尋安道興徘徊貪看萬鶴空中舞驚

見六花頃刻開僵卧蝸廬底心性撒盞聊費好
詩催

見李雲相視失喜李雲自言人生會有相逢
處余以七字分韻吟成七絕

一生謀道不謀貧自有胸中天地春其奈皇天
無老眼如何空谷滯斯人

我心尤不為浮名世事酸辛已飽更寄傲南窓
成獨酌無端清興惱詩生

賢達行藏關否泰柱天事業知無奈烟篆月艇
五湖遊風虎雲龍一朝會

世間名教無人守功利之窟爭奔走陶鑄唐虞
一酒杯與君共樂無何有

萬事從來即滄浪得失悲歡一笑長其局亦觀
浮世理紛紛勝敗可交相

名傳海內溫司馬氣壓雲間陸士龍柳絮飛時
思不見雪花開處喜相逢

傾蓋當年極許與非君誰與敷心膂天教貧賤
玉汝成安石一身關出處

語涉踈
狂可笑

與季雲登洛東江觀水樓季雲賦吳體一首
余亦步韻

是身天地一虛舟劍氣當年射斗牛羈思向來
何落落宦情從此便休休英雄萬古幾人在烟
月空江引興悠觀水觀山皆可樂鷗來忘我我
忘鷗

次

季雲

晚泊沙汀葉葉舟紛紛去馬與來牛江山萬
古只如此人物一生長自休西日已沉波渺
渺東流不盡思悠悠停舟獨立曛黃久掠水
飛回雙白鷗

與季雲相別於洛東樓季雲用板上韻贈我

我亦步韻

客裏羈懷惡逢君又送君孤帆和鴈落遠岫點
螺分樓上一杯酒洛東千里雲蒼茫天欲暮吟
斷不成文

次

李雲

落日長程畔把杯持勸君危樓天欲觀官渡
路橫分去客沒孤鳥浮生同片雲江風不解
別吹棹動波文

次李雲詠雪排律十五韻

歲暮從為客天涯任轉蓬梅花驚落地柳絮笑
因風片片飛回急斜斜緩舞工重重成活畫一
一入詩曾銀鳳眠歌竹玉龍卧偃松白鷗應失
樹皓鶴已辭籠賦縞梁王客吟益謝氏童乘舟
清興足擁馬謫心忡敗履存東郭吟肩秀兩峯
閉門覺高士盈尺占三農瓊宇閑情發瑤臺望
眼濛仙從披氅得節為鬪羶雄造化元無定吹
噓萬不同書空愁咄咄呼酒樂融融詠雪潮陽
筆無端賦送窮

次李雲韻

傾蓋相從今幾年情懷元不語言傳清狂但得

詩兼酒機事都忘蹄與筌彭澤歸來陶令達東
溪卜築杜陵賢閑中事業書千卷箇箇明珠唾
裏妍

次洪同年彦邦韻

剡溪新雪滿乘興訪逵時書劍纏身世乾坤進
酒危雲泥何足辨膠漆未應殊圖南知有日金
殿共論思味非元韻
疑作維

李秀才愷借寫詩學大成以詩答之

建安六代詞章藪若比聖門真培塿周孔文章
懸日月汗牛千卷堪覆瓿

潘生擲紙求詩辭不獲已

浪迹江湖歌滄浪放懷詩酒閑日月如何毛穎
僅升堂賴有麴生真入室
觀水必涉滄溟源登山欲上崑崙巔吾儒所學
非章句道體須窮魚與鳶

阻雨投德通驛寄洪彦邦

青山不語催詩去故友多情冒雨來喜托龍門
愧兀骨暮投孤館首重回

醉贈彦邦得冬字

愛君筆挽千句重壯君飲傾萬斛鍾君看學士

金句從

雪堂老一生真趣天門冬

謁洪大憲于廬次雜談古今語及伊洛諸賢
師友淵源歎今之不古也余感而有賦
每向斯文感慨多紛紛吹雪起人嗟山中偶爾
蒙親炙擬泝淵源洙泗波

十月二十九日離家宿於張家村家君追而
送之翌日辭別向龍宮

喔喔孤村鷄有聲呼燈起坐候天明人心最是
輕肅韋云輕疑作難離別何況人間父子情

龍宮道中逢金上舍用石聞有取士之奇令

人起喘月之恹口號寄李雲二首

誰開科目網英才方正賢良有自來欲使齊竿
吹一一何嫌唐穀設恢恢因風莊烏搏初上見
月吳牛喘幾回細筭豫樟如許少官家須得棟
梁材

辛苦螢窓脫舊麻君息隨處可堪誇高門積慶
古來少一喜堂前三桂花

到幽谷驛不堪旅懷憶在洛東與李雲聯句
有千絲亂髮梳難理嚮一夜羈愁酒可寬李雲
之句吟成近體一首寄李雲

季子貂裘苦未完
旅窓風月奈儒酸
千絲亂髮梳難理
一夜羈愁酒可寬
天地逍遙真樂在
郵亭寂寞此身單
書生事業還堪笑
得句吟成勝得官

重賦三絕奉李雲

至日作

憶得去年冬至日
天恩曾預宴華堂
如今嶺外飄零甚
添却窮愁一線長
已報一陽生地底
如何孤客在天南
堂前鶴髮渾依舊
烏烏私情自不堪

天機袞袞灰飛管
身世悠悠蝶夢周
朝市山林雖可隱
江湖廊廟揔堪憂

至日散幽谷道中即事

心緒愁來一死灰
壯氣長吞雲夢七
退之崎嶇汨東西
子美蒼茫問家室
山雲態度不多時
澗水鳴聲無了日
昨夜天心未改移
今覺黃鐘回暖律

聞慶龍潭瀑布

仰看鳥道三千丈
下視羊腸十二回
是處龍潭天下壯
怒雷飛雨一時催

度山嶺

鳥嶺一名草站

長年為客路歧多今日始知乘險絕山勢越截
穹蒼磨石狀龍嵒厚地裂無數嵌空浪吐吞六
月常飛太始雪絨啼鬼號恍西東虎嘯龍吟何
窟穴乾坤磅礴乃爾奇莫是杜陵鐵堂峽擬讀
東坡嶺外文耳邊清風吹颯颯

度嶺宿安富驛吏家

大庾嶺頭梅欲放一枝春信喚真真誰知牢落
西臺客來作新豐一旅人

發安富道中

頭顱驚老大義馭走駸駸到處眼常白羈遊埃

不黔江山千古意雲水一生心野趣無端起新
詩偶爾吟

發忠州抵用安驛奉丘使君大先生

使君高義薄層雲儒雅風流久已聞此日黃堂
開一笑當年槐院揖餘芬相逢衮衮杯心凸苦
別忽忽愁緒紛空館晚來誰是伴不堪孤鴈叫
離羣

宿無極驛二首

驛古青山默溪虛白水明寒燈高枕語瘦馬齧
糞聲遣興成詩壘攻愁借酒兵長歌意無極風

雨筆端驚

歲月人頭白江山詩眼明談天狂欲上擲地暗
無聲酸冷孟東野猖狂阮步兵浮生如逆旅寂
寞壯心驚

散無極道中

凍入地皮裂冰堅馬骨傷苦寒無處避本出涸
陰鄉

入京畿道中口號二絕

我無杜子耽詩癖底事年來太瘦生馬上敲推
吟未定無端因作不平鳴

鄉思已隨白雲去宦情空逐軟紅來身非已有
知難斷事與心違媿不才

抵分行驛用前韻

荆璞足曾別郢斤鼻不傷細推思物理當作醉
為鄉推與思作與為意
疊可疑恐有誤字

題佐贊驛

昨夜三更雨脩脩滴到明轉添羈思苦剝破宦
情嬰泥濘愁長道蕭條媿此行題詩無好句蛇
蚓起縱橫

散佐贊兩後行路泥淖口號四十字變體

泥塗同汨沒白馬化為驪宿霧蒸千嶂寒流漲
一溪喜鵲查查語飢鳥啞啞啼男兒四方志不
在一枝棲

龍仁道中逢閔正郎誠聞仲氏入格解闈
吉語聞來喜欲狂英姿爭道白眉郎金門恰得
聯龍榜雲路將看接鴈行

是日冒雨入金嶺驛

衝風大野頭避雨驛樓邊身世同萍梗眠鷓覺
汝賢

卧聽簷間積雨聲未聞鍾鼓報新晴天公用意

真難料騰六何時時令行今當仲冬之月雪當
不當降而苦雨淒淒
天道難知為賦小詩

龍仁道中冒雨

向來孤劍知誰託客裏長歌每日悲襁褓雨中
吟思苦鷺飛何處得新詩

題樂生驛

風送今朝雨梅傳萬古春山雲閑事疑作在應
笑徃來頻

道中

行盡長程復短程幾番風雨幾番晴崎嶇客路

何須說天日欣瞻白玉京

戲贈禹子雲

白雲為佩風為馭不用如鴻六尺長愛及屋烏
言有在風流休笑紫微郎

睡軒先生詩集卷之一

睡軒先生詩集卷之二

寄呈實錄廳諸先生

此以下野城後作

實錄廳高物望無諸公衮衮此來占三冬經史
曾聞富一字春秋更著嚴道統千年編舜禹文
章二代紀蒼炎仁心半夜推羊膳儉德平生設
葦簾復古神功歌九叙至今遺澤哭羣黔民風
士習班班載野諺州箴箇箇拈筆伐酣時誅老
猾衮衮加處散幽潛董狐司馬無多子人禍天
刑不少嫌石室幾抽金匱了黃封頻送綠尊沾
追趨玉局神仙地點檢青瑤甲乙籤運海渾成

莊叟鳥上竿誰擬聖俞鮎如余自分焚鉛槧作
吏生憎管米益空愧飛鳧朝魏闕每愁催糴及
窮閭當樓碧巘千層玉遠郭澄湖萬丈縑却向
利名聊爾謝獨於山水不能廉落霞影蘸蘭舟
散鮮菊香飄蠟屐黏淡泊到頭梅有契浮休如
夢歲將淹鴻冥鴟狎閑情遠蠲紫鱸肥况味甜
秋素方知詩鬢改汗青猶愛免毫尖終南插斗
東溟濶脉脉情懷對月添

厲風吟

厲風從北來萬竅迷頌洞有聲而無形前喁與

後哄闕虎負巖隅十里猶聞鬪猛士赴敵場雄
驅百萬衆號怒揭却屋勢欲拔梁棟睡老卧寒
牕侍婢傾酒甕強飲三兩鍾不成南柯夢戚戚
感虛警誤被渠嘲弄半月抱沉緜簿書謝控德
有時判牘尾纖穎每呵凍飽喫野城飯日月空
賓送居民倚魚蓋海錯聊土貢下供雖有常薄
產亦堪痛徒聞永州蛇不見穎川鳳慵齋吾盍
友壘簫如伯仲秋隼幾塌翼天球新磨礪游刃
有餘地不復益智粽交游出肺肝義分隨箴諷
竭來所得富垂木破我悽

聞者翁逝

李顥傳消息者翁逝去旬初聞疑是夢轉覺實
歸真倏忽人間世蒼茫浩劫塵奈如驚到骨不
但淚添巾玉署追同直黃封醉幾巡開懷無畔
岸論事亦精神仁義頻陳舜興亡或借秦自將
葵懇切時冒震雷嗔君我狂依舊乾坤渥更新
分符野城縣回首漢江濱歷歷懷朋舊悠悠過
一春季雲今枕塊吾子又歸窀此別嗟何及浮
生已了因長途喪駸驥高塚卧麒麟良類常加
禍真君酷不仁佺佺瞽無相落落星向晨絃斷

我洋手生餘露電身佗時看宿草沉痛展哀呻

得叙之東喜賦

一本有無木惇之叙之諱五倫中乙卯進士惇之諱五常

中戊午進士皆公之弟

真君運化權吹萬何職職樹有次第花鳥有參
差翼物類尚如此同氣情何極汝兄結習癡早
闖詩書闕幾乎三刑虞偶耳一戰克升君白玉
堂照君金蓮燭叨濫踰涯分愧汗幾蕃拭乞養
優詔許印綬何若若那將寸草心倘酬天地德
仲氏擢巍科高堂多喜色珥筆侍龍輝一日聲
輝赫庶可奉親悅恰伯頻飲墨十載誤儒冠至

今福未釋時命乃爾乖他年應大得兩季富年
華素業各努力惰農不自耘胡取禾三百漁翁
臨淵羨不如結九罟成虧古難必玉汝天其或
春夜桃李園池塘草罷綠歲華已秋螢相別幾
鳴鴟今朝有書至喜入查查鵲上言北堂平下
言奉晨旭慰心翻到極汪然淚欲落我言出於
真揮毫瀉膏臆

李正字塌慶席即事

無一本作

運啓半千星聚奎家皆孔孟戶書林方正賢良
此途出知是百年文教深暉暉日射黃金榜臚

傳錦一本作金陛瞻天臨鄉閭慶席是古事文老押
逖來朋簪圭竇那知有今夕爛熳芳尊斟又斟
尚嫌滄海有遺珠何許竈間鳴爨琴明年聞喜
更何處豹變未必長陸沉

贈金季雲

八絕

歲暮窮陰萬象昏抱弓當日易銷魂半生未有
涓埃補空負先王卯翼息

如許祥期一電忙宣陵松月政荒涼天涯痛

哭孤臣淚况隔官僚縞素行

寅冬成廟昇
此詩丙辰年作

剛被年來郵吏嗔南柯作夢竟非真區區五斗

為形役簿領叢中素髮新

地瘠民貧埃不黔孤村生理只魚鹽龔丞藐藐
魚頰尾多事誅求及四閩

獵賢昭代網恢恢方正賢良有自來髦士即今
爭入彀白眉登第亦佳哉

鴈序鸚班喜著竹蒼顏鶴髮荷恩光金堂谷裏
兩仙桂說與鄉人語合長

獻納多時喜得輿囊封無日不宸居洛中士望
君能副永叔休煩范諫書

玉堂金馬憶同遊身著東瀛地一頭此日情懷

君莫問感時懷舊思悠悠

送金典籍

秀文赴

召

時修

實錄被

成廟

召

君實生南紀聲華小少隨賢為醫國病清是畏
人知剖竹歌來暮攀轅積去思煌煌班史筆千
古姓名垂

閩越歐陽子壽州董召南地靈人傑在儒術吏
能參慈孝天翁識廉平物望堪江天抱病久依
舊著青衫

志士惜年暮尋常劍氣衝雲程成蹭蹬郎鬢奈
鬢鬆室有姜詩母民懷渤海龔行行犯嶺雪火

急乞雷封

宿昔陪 經幄依依今十年攀胡知己矣抱劔
更潛然北望神都遠南來歲律遷故人如問我
長詠去來篇

丙辰紀歲之十一月初六日己酉之夜夢有
天使到我國陪從有奴卜者就問慈母四柱
造化卜曰當享百二十歲覺而顛喜書諸屋
壁以識之嘻丙辰是慈堂本命而歲紀丙辰
有是夢豈神人默佑於冥冥之中耶又作詩
篇以為上壽之資得千字

春從
木

三遷俎豆邊親授孝經篇手線慙內耳提教
育前乾坤息罔極螻蟻性堪憐寸草深情切微
官榮養愆神人傳吉夢本命直當年荷意知無
地休禎降自天明徵真有在玄報詎無緣合把
長生錄還同不老仙春株留翠霧桃樹惹春烟
具慶垂烏髮茲辰敞綺筵烹龍香續續浮蟻綠
涓涓擬上南山祝休言綵服鮮百年媿未足願
享歲踰千

得翰林風月四笏供叶之兄珥筆之資又演
韻聊寫賀忱云翰林風月墨名

瑚璉之姿人寶玩仙曹合侍玉皇案手下分明
造化權深嚴玉署頻揮翰

吉語初傳喜不禁兄今能慰倚閭心十年叨珥
春秋筆第亦先朝舊翰林

追趨丹陛水精宮夜對多時御燭紅蟻虱小臣
辜 聖寵至今猶賦大王風

具慶堂前垂鶴髮好將忠孝保門閥休嫌鴈影
隔重雲自喜鵬圖搏六月

次揚提學韻錄似元戎幢右

熙止

輝輝金榜射江深緩帶輕裘二載臨千里湖山

長在眼一生忠孝只關心高談動倚籌邊策壯
氣時輸橫槊吟戎府題名曾有記幾人能起後
人欽

譙門控帶亦佳哉華構凌霄地秘開旌節頓生
精彩在風雲都入壯懷來分符謾作推擠客插
羽無非穎銳才尊俎初筵吟未訖忽忽繩墨馬
蹄催

奉賀子韜丈

康伯珎

聯璧難兄復難弟探花仙桂兩回芳頻年辨此
榮親宴光動金烏萬丈蒼

自天雨露花如錦一府榮觀嘖嘖聲誰換新來
催作戲座間欠一大先生

戲奉清卿三絕

回祿無端戲老翁清愁咄咄坐書空叩頭便可
反風滅錯手翻投膏火中
妙手元非喫酒巴焦頭還似撲燈蛾傾身火宅
知無術付與傍人撫掌呵
無妄生灾可奈如城門餘烈及池魚徙薪曲突
無先見初自求之冷笑渠

次韻李顥

金閨才子筆生花視草龍牋整復斜會把雄圖
翰事業鳳毛趾羨屬誰家
大端心學貢嚴宸精一功夫萬象新聚會尚嫌
有幽側竈間何處響桐薪
天驥從來一洗空與龍為友可追風轅駒局趣
知無數騰躡青雲勢未窮
遨頭詩鬢照菱花坐嘯居然光景斜農務村村
牛頰血若為圖畫獻官家
長年鳧舄阻朝宸華髮憂民種種新自分踈慵
成吏隱有何愁積汲郎薪

篆烟薰裏世氛空赤令更怜荀令風一炷燒他
五兵賊故人佳貺意無窮

寄叙之

問病唯吾弟書來不厭披頭風自前月眼疾亦
多時愛日添愁思看雲記別離狂飈如許例吹
撼鶴鷄枝

人一已當百古賢言有章學徒例膚淺捷徑爭
文場進銳退還速源深流必長君看孔門子魯
者竟升堂

方正賢良有自來醇如賈董亦難裁菑川第一

徒阿世方朔三千竟類俳韓柳宏辭何落落歐

蘇大手極恢恢末流艷麗三場在策到胡元足

吟哈俳當
作俳

吟渠天性參乎魯百讀方能誦一篇舊樣胡蘆

看丁了新編文選服拳拳辛勤夜警溫公枕羞

澁囊空杜老錢自古騷人例貧賤休於功利苦

聯牽

無題

蹭蹬雲程風翮垂行年三十子生遲鳳凰栖集
和鳴日琴瑟更張在御時睡老阻參湯餅會清

卿預賦弄璋詩人言鷓鴣猶生鶡占得鵬雛毛
骨奇

病夫廢吟承示登樓之作謹依韻

鶴怨山空一逋客簿書叢裏鬢華生農謳落日
村村雨驚喜皇年已受明

蘸他雲磴有澄江掠舫沙鷗作一雙如許天遊
吾領略高懷矧肆此能降

和仲

句賡佔畢近體韻

佔畢文簡公
金宗直齋號

天驥從來不受搨益車奈此道途賒郎潛猶繫
淵明印謫降休誇力士靴珪組幾縻天下士覓

暮將卜爾東家竭來贅幕情懷惡竹外蟬聲替

暮笳

復次前韻

戲劇從他造物麼浮休自信命途賒冥心擬住
栖霞嶺散脚那堪待漏靴書劔有身長客路乾
坤到處是渠家忽忽又向前頭館十里林霏送
迥笳

戲贈權君平丈

萬事懶為崇百年睡作魔乾坤尊北海身世夢
南柯豪氣從今少醒狂比舊多時逢知己客相

對笑呵呵

符牒頻求縣室人交適吾依違身欲老歸去徑
將蕪落落知難合區區却自愚天其成玉汝吹
萬任洪爐

君平業儒素鄉里以詩鳴打陸慚遼豕銜杯作
海鯨龍門頻點額鴈塔阻題名不必成都卜行
箴已自評

相將開笑口翻作戲言來羊角鵬搏者盪車驥
困我夔蛇乃如許鳧鶴亦堪哈揔把悠悠事一
時付酒杯

嚮之消息久絕懷抱頗惡忽蒙問之以海
錯戲成兩絕呈于文軒求和

金克儉字士廉時為
安東府使

少友邇來消息稀移吾帶眼緩吾衣如今領
得平安信行見肌膚日以肥

寂寞寒厨無所有朝朝飮餌欠甘肥誰分海
錯兼珍味便使鹽齏得解圍

次

自恨尋常會合稀其如門下阻樞衣忽驚時序
三年夢恰似瓜期瓜子肥

撫字心勞帶眼移我公雖瘦我民肥何人飽喫
雷封飯無賴樗材孳百圍

斯文諸老曙星稀正印阿誰屬鉉衣大手即今
歸大府莫教如越視秦肥

真味由來識者少朱門肉食謾甘肥道腴雋永
替芻豢義戰膏中看破圍

詩聖人間古亦稀天章分與補王衣莫嫌飯顆
前頭瘦孝友從來家故肥

東華無數麒麟楨飽飫侯鯖如許肥一硯不持
民受賜當年卧轍幾重圍

是然地僻足音稀坐嘯荒城懶櫛衣聞道故園
時政好金黃梅子藥苗肥

津津鄉思供吟料絲滑尊羹膾又肥網密邇來
便省阻不堪愁病減腰圍

覓句多時摘勝稀區區補綻百家衣驚蛇餘習
拋全未萬杵香烟泛硯肥

詩材且備工兼拙筆法休論瘦與肥箋與天公
吾不管一時揮洒破愁圍

寄叙之

貧賤與憂戚天其玉汝成要復大有志且莫不

平鳴水擊真難料
泥蟠未有名英雄
古如此齷齪笑鰓生

用謝疊山九十萱親天下稀
一句演韻錄似黃堂

君侯腹空洞六經無不有
手下游刃恢不但吞八九

剥膚而推髓紛紛汗吏集
治行宜第一壘書藏襲十

積慶何袞袞云是于公門
堂栽不老栢庭養忘憂萱

鶴髮垂頰白手撫天麒麟
反哺子能飛專城養其親

爛柯看一瞥戲綵年復年
跪上長生籙身在壺中天

田賦無上上治狀考下下
湖樓放長嘯我是悠悠者

造物任乘除江山無是非
高吟柱笏慶爽氣浮人衣

不押稀字未詳

二十六日家君東二十八日夕到

秋風高起白雲飛一日馳情十二時
五十川

名聞已久無由縮地倍相思

敬次八絕

詩律團圓筆勢飛起居還似少年時開緘小子喜無寐跪讀千番字字思

鴈行雲路一雙飛好是鴛原得意時萬事不求三樂外休將成敗費心思

筆戰場中鷓退飛衝星鈞氣亦多時磨鍼鑄硯尋常事須著功夫切問思

看看九萬怒鵬飛簸翼天門會有時春草池塘無好句一秋蛩夢惹相思

金井梧桐一葉飛葦鱸佳興又秋時入厨阻期

阻期必有誤字更詳之

供甘旨一夕離魂九起思

身棲枳棘不能飛慚愧林烏反哺時只有詩狂成一癖江山如助撚髯思

奉檄當年鳥共飛親恩君寵報何時行吟未効歸來賦坐嘯難留去後思

書札聯翩幾度飛如愁如喜欲開時愧非膝上王文度謾枉高堂兩地思

縣樓即事

吾曾吏隱流心迹喜清幽日月飛雙鳥山河壯

一州霜鴻愁吐吐江鷺晚悠悠別路題詩處還成夢裏遊

樓前湖水流樓下竹松幽漫浪要觀海早微僅作州天機何袞袞世事劇悠悠佳節重陽近稱觴辦勝遊

題泣嶺院見輿地勝覽

未必貪泉誤隱之休將名字駭無知區區破恠還堪怪泣嶺預刊墮淚碑孫舜孝嘗觀察嶺南到泣嶺上改名曰破

峴

雲山驛次李曹之韻曹

去歲科田斜斂繁機空盍倒坐愁寬松衣剝盡朝無夕已作當時半死魂

次道壤守詩韻

自笑功名太縶悠尋春有約結交游芳菲物態韶光老澗灩壺樽竹葉浮好向山中千日醉洗空塵界十年愁襟期磊落軒天地誰信瀛洲第一流

贈別孤姪慶世忠

荒陲累斗印節序迫嘉平嶺北悲孀妹終南憶兩兄憐渠凌絕險省母趨脩程努力詩書府占

他科第名

題柳詩卷後

詩家閩奧幾關扃，刪後高評有考亭。欲到古人
要妙處，須從陶柳兩門庭。

聞吉語喜賦三絕錄似新進士惇之弟

步月看雲已暮春，幾番花信幾番新。枝頭喜鵲
查查語，來慰高堂鶴髮親。

反覆家書手閱頻，妻孥誇說喜津津。青陽阿季
登蓮榜，無限于思眊聵人。

使君狎坐慶筵開，從古鄉風有自來。桃李前頭

春似海，不妨羯鼓響如雷。

寄琴菴公子

戊午六月
二十六日

金馬抽身出悠悠，坐嘯何乾坤。憶知已身世，倚
狂歌斗縣江山。壯銅章歲月多時時，懷舊夢飛
越漢江波。

諸郡學生罷會告歸和贈取別

俗子紛紛來病予，故人休著絕交書。驚心身世
矛頭浙，滿眼江山鷄首墟。為問幾年飛晉鳥，笑
他終日曳鄒裾。重衮准擬徵黃去，聯步承明伴
直廬。

嚮之歌馬知品院贈別李叙之傳達親前伯

氏保之併可電覽

保之正言李守英字公之妹婿

兄曰嗟余季追我河梁別臨行一杯酒散笑以

斂戚

戚戚不足道白日車轉怒雷金吾督行色明月照

離杯

杯行不停手掩泣強徘徊壽辰今日是無妄胡

為來

來者猶可追金人吾與汝堂上兩老在此身未

敢許

許與惟青山交朋是綠水軒前二樂在倘佯以

從事

醴泉琴塘谷舊墅有二樂軒

事變無故常外物不可必萬一霽雷霆眾憾渾

消雪

睡軒先生詩集卷之二

